

FOLÚNTAS

Bunaíodh Glór na nGael sa bhliain 1961 mar uirlis forbartha teanga tríd chomórtas idir grúpaí pobail. I 2014 ceapadh Glór na nGael mar cheanneagraíocht Gaeilge, ceann de na sé cheanneagraíocht maoinithe ag Foras na Gaeilge. Tá freagracht ar leith ag Glór na nGael i dtír réimse oibre, forbairt na Gaeilge sa teaghlach; forbairt na Gaeilge i measc grúpaí pobail agus forbairt na Gaeilge i measc grúpaí fiontraíochta agus gnó.

Tá áthas ar Ghlór na nGael ana folúntas a leanas a fhógairt:

Oifigeach Forbartha & Painéal leibhéal Oifigeach Feidhmiúcháin

Beidh ról an Oifigigh Forbartha tiomanta don phobal agus bainfidh an ról le fás agus forbairt Ghlór na nGael trí straitéis shainmhínithe. Cuirfidh an t-iarrthóir rathúil an Ghaeilge chun cinn trí imeachtaí comhaontaithe, caidrimh agus gníomhaíochtaí pobalbhunaithe ar fud na hÉireann. Beidh an ról ceantarbhunaithe agus mar sin beidh solúbthacht maidir le láthair riachtanach.

Próifil na bPost

Post forbartha atá i gceist leis an bpost seo.

Beidh ar an téigh a cheapfar don ról tabhairt faoi;

- Seirbhísí Ghlór na nGael sna 3 príomhréimse: Pobal, Teaghlaigh le Gaeilge & Gnó / Fiontraíocht a fhorbairt sna contaetha a leanas go príomha:
 - Gaillimh & Maigh Eo*
- Tacú le clárú, forbairt agus buanú
 - na teanga i gclubanna CLG trí Fhondúireacht Sheosaimh Mhic Donnchadha**
 - líonraí Teanga Tí***, scéim tacaíochta teaghlaigh Gaeilge Ghlór na nGael
 - coistí Ghlór na nGael, coistí nua agus neamhfhorbartha (Céimeanna****) san áireamh

trí thimireacht agus tacaíocht a sholáthar.

- Tacú le comhthionscadail idireagraíochta de réir mar is cuí.
- Seirbhísí a bheadh úsáideach do mhórphobal na Gaeilge & na Gaeltachta a fhorbairt.

*Bíonn Glór na nGael ag feidhmiú ar bhonn uile-oileánda agus bíonn cúraim uile-oileánda ag gach fostaí dá réir sin. D'fhéadfaí cúraim na gcontaetha thuasluaite athrú de réir riachtanais ghnó na heagraíochta. Beidh solúbthacht áirithe maidir le lonnaithe an phoist ach beidh gá a bheith i láthair in oifigí Ghlór ó am go ham.

****Fondúireacht Sheosaimh Mhic Dhonncha**

Is scéim tacaíochta de chuid Ghlór na nGael agus de chuid an Chumainn Lúthchleas Gael í Fondúireacht Sheosaimh Mhic Dhonncha le haghaidh clubanna CLG ar mian leo an Ghaeilge a chur chun cinn.

Tá formhór na gclubanna ag cur na Gaeilge chun cinn ar bhealach amháin nó ar bhealach eile. Is é cuspóir na fondúireachta seo ná na hiarrachtaí sin a fhorbairt ar bhonn tomhaiste agus pleanáilte.

Cuireann Glór na nGael cuidiú ar fáil d'Oifigeach Gaeilge an Chlub i bhfoirm comhairle agus tacaíochta le tógáil ar an obair mhaith atá á déanamh sa chlub cheana féin.

Is féidir deontas a lorg ón bhFondúireacht chun cuidiú leis na pleananna sin a chur i gcrích agus bronnfar bonn ar na clubanna as méid áirithe a bhaint amach ar son na teanga.

Breis eolais faoi Fhondúireacht Sheosaimh Mhic Dhonncha ar fáil [anseo](#).

*****Teanga Tí**

Tá Glór na nGael ag forbairt ghréasáin de theaghlai Ghaeilge i scoilphobail scoileanna lánGhaeilge agus Gaeltachta. Beidh imeachtaí na scéime ag feidhmiú lasmuigh de gheataí agus de ghnáth uaireanta na scoile.

Is é sprioc na scéime ná spreagadh agus tacaíocht a thabhairt do theaghlai pháistí naíonáin shinsir na Gaeilge a labhairt níos minice sa bhaile. Is scéim uileghabhálach í a fhreastalóidh ar riachtanais teanga teaghlai difriúla.

Is féidir go mbeadh Gaeilge measartha ag tuismitheoirí agus iad ag iarraidh feabhas a chur lena gcumas nó iad ar bheagán Gaeilge ach gur mian leo caighdeán níos airde a bhaint amach. Beidh ciste tacaíochta mar chuid den scéim. Tacaíonn an maoiniú seo le heagrú imeachtaí do na teaghlai rannpháirteacha.

Breis eolais faoi Theanga Tí ar fáil [anseo](#).

******Céimeanna**

Is é cuspóir na scéime seo 'Céimeanna' ná cur chuige tomhaiste, straitéiseach agus éifeachtach i dtaobh cur chun cinn na teanga de a chothú i measc coistí pobail.

Is mian linn cuidiú le grúpaí úra agus grúpaí beaga chun bheith in ann a mianta féin maidir leis an Ghaeilge sa phobal a chomhlíonadh. Tríd an scéim seo, cuirfidh foireann Ghlór na nGael comhairle ar ghrúpaí Gaeilge le go mbeidh siad in ann forbairt chun freastal ar riachtanais phobal Gaeilge faoi bhláth. Moltar go gcuirfidh coistí an liosta de 20 gníomh i gcrích taobh istigh de thréimhse 2 bhliain. Tacóidh Glór na nGael le hiarrachtaí na ngrúpaí seo trí comhairle agus tacaíocht a chur ar fáil ag gach céim den phróiseas agus tá deontas de €500 in aghaidh na bliana ar fáil chomh maith chun caitheamh ar fhorbairt ghairmiúil an ghrúpa.

Breis eolais faoi Chéimeanna ar fáil [anseo](#).

Cur síos ar an té a cheapfar

- Céim ábhartha nó a chomhionann de thaithí
- Tá éirithe go maith leis nó léi go dtí seo i réimsí Gaeilge, CLG, teaghaigh le Gaeilge, forbartha pobail, na gaelscolaíochta, agus/nó gnó/fiontraíocht (le Gaeilge).
- Ardscileanna cumarsáide idir labhartha agus scríofa, i nGaeilge (ag leibhéal B2 TEG) agus i mBéarla.
- Ardscileanna idirphearsanta
- Gníomhach á c(h)oinneáil féin eolach ar chúrsaí Gaeilge, CLG, agus forbartha pobail.
- Ar a c(h)umas obair as lámha a chéile le baill foirne agus le hoibrithe deonacha
- Spéis ar leith san fhoghlaim ar feadh an tsaoil.
- Ceadúnas iomlán, fáil ar ghluaisteán le hárachas úsáid ghnó.

Grád: Oifigeach Feidhmiúcháin

Scála Tuarastail: De réir pá scála an Oifigigh Feidhmiúcháin (EO), Ciorclán 20/2018, Aguisín 2A: €29,609 - €49,960.

Téarma: Conradh 3 bliana

Tá an post seo maoinithe ag an Roinn Cultúir Oidhreachta agus Gaeltachta, faoi Scéim Tacaíochta Gaeilge.

Painéal

Cuirfear painéal d'iarrthóir infhostaithe ag leibhéal Oifigeach Feidhmiúcháin le chéile mar chuid den phróiseas earcaíochta seo. Feidhmeoidh an painéal ar feadh tréimhse bliana ó fhógairt spás ar an bpainéal leis an iarrthóir.

Spriocdháta:

Is gá CV as Gaeilge agus litir chumhdaigh as Gaeilge a chur chuig post@glornangael.ie faoin **Luan, 2 Nollaig 2019 ag 5.00i.n.**

Beidh na hagallaimh don ról seo ar siúl i Ráth Chairn go luath tar éis an spriocdháta thuas luaite.

Rialachán Ginearálta um Chosaint Sonraí (RGCS)

Ar mhaithe lenár ndualgais a chomhlíonadh faoi RGCS tá sé riachtanach dúinn cúis dleathach a bheith againn do chuid sonraí pearsanta mar a bhaineann sé le d'iarratas a phróiseáil agus a stóráil.

Is cóir don iarrthóir a thuiscint go bhfuil leas dlisteanach ag Glór na nGael faoi reachtaíocht fostaíochta na sonraí seo a choimeád ar feadh tréimhse bliana.

Scríosfar na sonraí pearsanta seo nuair a théann an tréimhse ama sin in éag nó i gcás iarrthóir rathúil, tar éis bliana ó dháta críche na fostaíochta leis an eagraíocht.